

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON- KANTON SREDIŠNJA BOSNA
KANTONALNO TUŽILAŠTVO/ TUŽITELJSTVO
T R A V N I K
BROJ: T06 0 KT 0036219 24
Travnik, 11.07.2025. godine

OPĆINSKOM SUDU TRAVNIK
-sudiji za prethodno saslušanje-
TRAVNIK

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

O P T U Ž N I C U

Potvrđena dana 15.07.2025. godine

Protiv:

M. G., osuđivan

Bio u pritvoru od dana 04.11.2024.godine u 21,00 sati do 03.12.2024.godine

Zbog postojanja osnova sumnje da je:

1. Dana 04.11.2024. godine oko 16,50 sati, u naseljenom mjestu u ulici Šehida u Travniku, općina Travnik, na lokalitetu Šehidskom mezarja, u vrijeme kada se ulicom kretao veći broj ljudi pješke i u vozilima u blizini, pucanjem iz vatrenog oružja izazvao opasnost za život većeg broja ljudi i oštetio tuđu stvar, na način da je, nakon što je Z. N. zajedno sa M. D. i D. B. po prethodnom dogovoru sa Mevludinom došao svojim vozilom BMW tip G7L registarskih oznaka 6L37067, u blizinu semafora kod hotela Lipa i vozilo parkirao na trotoaru, te izašao iz vozila sa svjetlo plavom jaknom marke „B FIRE+ICE“, vel 58 u rukama koju je držao ispred sebe, iz prepravljenog dugocijevnog vatrenog oružja tzv „kratež“, lovačke puške sačmarice, dvocijevke, položare, marke „ZAVODI CRVENA ZASTAVA“, model M75, obje cijevi kal. 16/70, serijskog broja 122632, ispalio jedan hitac u nesporednoj blizini tijela Z. N., usmjerivši cijev oružja prema dole i u svoju lijevu stranu, dok se Z. N. nalazio ispred njega na udaljenosti od oko 3 metra, gdje se u neposrednoj blizini s M. lijeve strane nalazilo parkirano vozilo Audi A6, reg. oznaka *** vlasništvo F. E., a ispred i desno od njega se nalazilo vozilo BMW, u kom su se nalazili M. D. i D. B., te nepoznati pješaci i putnici u vozilima koji su se kretali ulicom Šehida, svjestan da na taj način izaziva opasnost za život većeg broja ljudi i da može oštetiti tuđu stvar, na šta je i pristao, od kog hica je snop kuglica udario u jaknu koju je Z. držao ispred svog tijela, probivši istu u prednjem i zadnjem desnom donjem dijelu, a zatim pogodio u asfatnu podlogu načinivši oštećenje na podlozi u vidu više udubljenja

površine 15x17 cm i dubine od oko 5-7 mm, od koje podloge su se zrna sačme odbila u smjeru pmv marke Audi A6 registarskih oznaka ***, oštetivši vozilo u vidu udubljenja na prednjim i zadnjim desnim vratima, te oštećenja u vidu ulaska ispaljenih zrna – kuglica municije na limu desnog praga vozila ispod zadnjih vrata vozila,

Dakle, pucanjem iz vatrenog oružja izazvao opasnost za život ljudi na mjestu gdje je okupljen veći broj ljudi i oštetio tuđu stvar.

2. Dana 04.11.2024. godine oko 16,50 sati, u naseljenom mjestu u ulici Šehida u Travniku, općina Travnik, na lokalitetu Šehidskog mezarja, ugrozio sigurnost oštećenog Z. N. ozbiljnom prijetnjom da će napasti na njegov život, na način da je nakon što je, Zlatan Nikolić zajedno sa M. D. i D. B. došao vozilom BMW tip G7L registarskih oznaka *** u blizini semafora kod hotela Lipa i vozilo parkirao na trotoaru, te izašao iz vozila sa jaknom u rukama, te nakon što je Melvudin ispalio hitac iz prepravljeno dugocijevno vatrenog oružja tzv „kratež“, lovačke puške sačmarice, dvocijevke, položare, marke „ZAVODI CRVENA ZASTAVA“, model M75, obje cijevi kal. 16/70, serijskog broja 122632, u njegovoj neposrednoj blizini, istom se obratio riječima „Hajde sad mangupe da ti prospem mozak“, više puta ponavljajući mu hoćeš sad da te ubijem, naređujući mu da legne na pod da će ga ubiti, pri čemu se neprekidno kretao sa vatrenim oružjem u rukama usmjerenim u pravcu oštećenog, da bi ga M.D. pokušao umiriti govoreći mu da neće Z. ležati na podu, da se smiri, da mu Z. nije ništa uradio da je došao s njim da razgovara, na šta je M. M. rekao da ide svojim poslom a da će on Z. ubiti, svjestan da takvim ozbiljnim prijetnjama da će napast na život oštećenog ugrožava njegovu sigurnost što je i htio,

Dakle, ozbiljnom prijetnjom da će napasti na život ugrozio sigurnost jednog lica

3. Neutvrđenog dana neovlašteno nabavio prepravljeno dugocijevno vatreno oružja tzv „kratež“, lovačka puška sačmarica, dvocijevka, položara, marke „ZAVODI CRVENA ZASTAVA“, model M75, obje cijevi kal. 16/70, serijskog broja 122632, ukupne dužine cca 565 mm, dužine cijevi 340 mm, dužine rukohvata cca 200 mm, koju je dana 04.11.2024. godine oko 16,50 sati, u naseljenom mjestu u ulici Šehida u Travniku, općina Travnik, na lokalitetu Šehidskom mezarja neovlašćeno držao, i iz iste ispalio hitac, zajedno sa tri patrone municije za navedeno vatreno oružje, svjestan da je neovlašćeno nabavio i neovlašćeno drži prepravljeno vatreno oružje čija nabavka građanima uopće nije dozvoljena, što je i htio, koje oružje je pronađeno prilikom uviđaja od strane policijskih službenika MUP-a SBK

Dakle, neovlašćeno nabavio i držao prepravljeno vatreno oružje čija nabavka građanima uopće nije dozvoljena

Čime da bi počinio:

- krivično djelo Izazivanje opće opasnosti iz člana 323. stav 3. u vezi sa stavom 1. KZ FBiH i Oštećenje tuđe stvari 293. stav 1. KZ FBiH, opisno pod tačkom 1,

- krivično djelo Ugrožavanje sigurnosti iz člana 183. stav 1. KZ FBiH, opisano pod tačkom dva
- i krivično djelo Nedoovoljeno držanje oružja ili eksplozivnih materija iz člana 371. stav 1. KZ FBiH opisano pod tačkom 3., sve u vezi sa članom 54. KZ FBiH

IV. Predlažemo Sudu da se na osnovu člana 78. stav 1. KZ FBiH od osumnjičenog M. G. Oduzme prepravljeno dugocijevno vatreno oružja tzv „kratež“, lovačka puška sačmarica, dvocijevka, položara, marke „ZAVODI CRVENA ZASTAVA“, model M75, obje cijevi kal. 16/70, serijskog broja 122632, ukupne dužine cca 565 mm, dužine cijevi 340 mm, dužine rukohvata cca 200 mm, kao sredstvo izvršenja krivičnog djela kao i čahura kal 16/70.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom